

六藝之一錄

六十

欽定四庫全書

六藝之一錄卷一百三十五

錢唐倪濤撰

法帖論述五

米元章跋秘閣法帖

唐太宗購王逸少書使魏徵褚遂良定真偽我太宗購古今書而使王著辨精輒定為法帖此十卷是也其間一手偽帖大半甚者以千字文為漢章帝張旭為王子敬以俗人學智永為逸少如其間以子敬及真智永為

逸少書猶不失為名帖余嘗於檢校太師李瑋第觀侍  
中王貽永所收晉帖一卷內武帝王戎謝安陸雲輩法  
若篆籀體若飛動著皆委而弗錄獨取郝愔兩行入十  
卷中使人慨歎又劉孝孫處見柳公權所收跋子敬送  
梨帖然於太宗卷中辨出乃以逸少一帖連在後而云  
又一帖不知為逸少也公權唐名家尚如此顧何議著  
今長安李氏所收逸少帖貞觀所收第一帖著名已非  
逸少真蹟餘可知矣獨未知徐疇徐浩子所訪者如何  
能別書

耳余抱疾端憂養目文藝思而得之粗分真偽因跋逐  
卷末以貽好事同志百年之後必有擊節賞我者余無  
富貴願獨好古人筆札每滌一硯展一軸不知疾雷之  
在旁而味可忘嘗思陶宏景願為主書令史大是高致  
一念不除行年四十恐死為蠹書魚入金題玉躔間游  
而不害元祐三年維揚倦游間襄陽漫士米芾元章書  
第一

漢章 晉元 晉武 齊高 梁武 梁高 簡文

右七帖並一人手寫偽帖晉武當是孝武梁高當  
是齊高

第二

張芝後一帖是前五帖並張旭崔子玉鍾繇

長風齊梁人書皇象後臣象言同章帝一手偽帖王

虞二十四帖同上謝安前一帖是後六月帖同上

第三

庾翼已向帖杜預親故帖王循司馬攸王



劭 劉瓌之 劉穆之 王廙 張翼 陸雲 山

濤 卞壺 謝發 羊欣

右皆與漢章一手偽帖

#### 第四

阮研 蕭確並同  
石章帝 虞世南 樂毅論者俗人偽帖

餘皆真歐陽詢比年亦俗人偽帖

#### 第五

李斯書未知何  
人書

程邈與章帝  
一手

蔡琰同

何氏二

帖歐陽詢敬祖鄱陽二竝子敬孤不度白亮白二

並諸葛亮書懷素同程邈既移屋足下並羊

欣未有欣白字

第六

適得書知欲差涼比奉對兄靈伏想嫂

宰相安和又不能疾不退夫人想大小

知足下連不快永智小佳是月也吾昨得張旭

追尋敬子疾患二十日餘可耳劉釋文餘作僕定登

劉釋文  
作定聽

右不注出者皆偽

第七

初月二日 足下時事 吾怪足下 前從洛 十

月七日 集 當力 承足下 子 荀侯 足下家極

知 僕近修小園

右不注出者皆偽

第八



此蒸濕

子敬代父

月半

同上

尊夫人

偽

適欲遣書

智果

第九

相過終無復日

元度時往來

前告先以陳

慕

容

並無人名偽帖

薄冷

益郎

並歐書

第十

吾當托桓江州

消息

疾不退

省前書

近與

鐵石

知鐵石

元度何來遲

忽動

大唐左衛長史張旭書

承冠軍故爾復面悲積

還此

得西問

海鹽

諸舍

並未詳何人書

獻之白不審疾

鄱陽歸

右並羊欣

第八此郡之弊蘇大簡子者謂之與王述書及一昨得安西及增慨三帖真蹟自蘇氏歸吾家

米元章禮部所作法帖題跋一卷真跡藏西洛王晉玉家靖康之亂已散亡矣先君學士法帖刊誤盛行于世訪米氏題跋藏書家俱未之見偶檢故書忽見先君子親寫米氏題跋得之喜甚草書間有難解者取法帖卷中語釋出斯文遂成全書乃命筆史抄錄

附刊誤之後紹興癸亥十一月二十二日武陽黃訥  
識

蘇東坡辨法帖

辨書之難正如聽響切脈知其美惡則可自謂必能正  
名之者皆過也今官本十卷法帖中真偽相雜至多  
逸少部中有出宿餞行一帖乃張說文又有不具釋  
智永白者亦在逸少部中此最踈謬余嘗於祕閣觀  
墨蹟皆唐人硬黃上臨本惟鵞羣一帖似是獻之真

筆後于李瑋都尉家見有謝尚王衍等數人書超然  
絕俗考其印記王涯家本其他但得唐人臨本皆可  
畜

辨官本法帖 此卷有云伯趙鳴而戒晨爽鳩習而揚  
武此張說送賈至文也乃知法帖中真偽相半

疑二王書 梁武帝使殷鐵石臨右軍書而此帖有與  
鐵石共書語恐非二王書字亦不甚工覽者可細辨  
也

題逸少書

此卷有永足下還來一帖其後云不具智

永白而云逸少者余觀其語云謹此代申唐末以來  
乃有此等語而書至不工乃流俗偽造永禪師語耳  
逸少謂此郡難治云吾何故舍逸而就勞當是為懷  
祖所檢察耳

蘭亭樂毅東方先生三帖皆妙絕雖摹寫屢傳猶有  
昔人用筆意思比之遺教經則有間矣

題子敬書

子敬雖無過人事業然謝安欲使書宮殿

榜竟不敢發口其氣節高逸有足嘉者此書一卷尤可愛

題衛夫人書 衛夫人書既不甚工語意鄙俗而云奉

敕敕字從刀館字從舍皆流俗所為耳

題山公啟事帖 此卷有山公啟事使人愛玩不與他書比然吾嘗怪山公薦阮咸之清正寡欲咸之所為可謂不然者矣意以為心迹不相關此最晉人之病也



題衛恒帖 恒衛瓘子本傳有論書勢四篇其詞極美

其後與衛瓘同遇害云

題唐太宗帖 太宗忼暴如此至於妻子間乃有忌欲  
均死之語固牽於愛者也

題蕭子雲書 唐太宗評蕭子雲書云行行如紆春蚓  
字字若縮秋蛇今觀其遺跡信虛得名耳

跋庾征西帖 吳道子始見張僧繇畫曰浪得名耳已  
而坐臥其下三日不能去庾征西初不服逸少有家

雞野鷺之論後乃以為伯英再生今不逮子敬甚遠  
正可比羊欣耳

題法帖二 宰相安和殷生無恙宰相當是簡文帝殷  
生即浩也耶

杜庭之書為世所貴重乃不編入何也

題晉武書 昨日閣下見晉武帝書甚有英偉氣乃知

唐太宗書時有似之魯君之宋呼於垤澤之門門者  
曰此非吾君也何其聲之似吾君也居移氣養移體

信非虛語矣

黃山谷法帖題跋

跋法帖 書孔明對劉元德語章草法甚妙不知與王中令書先後要皆為妙墨蓋融會張芝索靖兩家骨肉豐殺略相宜爾

蔡琰胡笳引自書十八章極可觀不謂流落僅餘兩句亦似斯人身世耶

鍾繇書大小世有數種余特喜此小字筆法清勁殆